



Godina XIV
Ponedjeljak, 2. augusta/kolovoza 2010. godine

Broj/Broj
62

Godina XIV
Ponedjeljak, 2. avgusta 2010. godine

ISSN 1512-7486 - bosanski jezik
ISSN 1512-7494 - hrvatski jezik
ISSN 1512-7508 - srpski jezik

VIJEĆE MINISTARA
BOSNE I HERCEGOVINE

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 7. Zakona o osnivanju Instituta za intelektualno vlasništvo Bosne i Hercegovine ("Službeni glasnik BiH", broj 43/04) i tačke 8.2.4. Strategije razvoja Instituta za intelektualno vlasništvo Bosne i Hercegovine (2008. - 2015.), ("Službeni glasnik BiH", broj 69/09), Vijeće ministara Bosne i Hercegovine, na prijedlog Instituta za intelektualno vlasništvo Bosne i Hercegovine, na 124. sjednici održanoj 10. juna 2010. godine, donijelo je

ODLUKU

O OSNIVANJU VIJEĆA ZA RAZVOJ KORISNIKA INTELEKTUALNOG
VLASNIŠTVA

Član 1.
(Predmet Odluke)

Ovom Odlukom osniva se Vijeće za razvoj korisnika intelektualnog vlasništva (u daljnjem tekstu: Vijeće) kao savjetodavno-koordinacijski organ Instituta za intelektualno vlasništvo Bosne i Hercegovine (u daljnjem tekstu: Institut).

Član 2.
(Nadležnost)

(1) Vijeće je nadležno za:

- a) Podizanje društvene svijesti o cilju i značaju intelektualnog vlasništva za privredni status subjekata u Bosni i Hercegovini, kao i za ukupni razvoj Bosne i Hercegovine;
- b) Jačanje institucionalne koordinacije između Instituta, s jedne strane, i drugih državnih organa, privrednih i umjetničkih asocijacija, te akademske zajednice, s druge strane, radi izgradnje kulture intelektualnog vlasništva u Bosni i Hercegovini;
- c) Afirmiranje menadžmenta intelektualnog vlasništva kao nezaobilaznog elementa poslovnog menadžmenta;
- d) Animiranje privrede, inovatora, umjetnika, akademske zajednice i državnih organa za kontakte s Institutom radi dobivanja kvalitetnih informacija o praktičnim aspektima zaštite intelektualnog vlasništva;
- e) Davanje sugestija za unapređenje službene Internet prezentacije Instituta;
- f) Afirmiranje patentne dokumentacije kao nezaobilaznog izvora informacija o najnovijem stanju tehnike u svijetu;
- g) Rad na uspostavljanju centara za transfer tehnologije i na širenju mreže centara PATLIB;
- h) Rad na uspostavljanju mehanizama moralne i materijalne stimulacije stvaralaštva u Bosni i Hercegovini kroz izložbe i prezentacije tehničkih i umjetničkih dostignuća, natječaje, nagrade, povoljne kredite, porezne olakšice, subvencije i stipendije;
- i) Identifikaciju deficitarnih normativnih rješenja koja otežavaju upotrebu intelektualnog vlasništva i ukazivanje na potrebu odgovarajućih promjena u zakonodavstvu, upravnoj i sudskoj praksi.

(2) Vijeće donosi periodični plan i program rada.

Član 3.
(Sastav)

(1) Vijeće se sastoji od 19 članova.

(2) U sastav Vijeća ulaze predstavnici sljedećih institucija i drugih relevantnih pravnih lica, i to:

- a) Instituta za intelektualno vlasništvo Bosne i Hercegovine - 2 predstavnika;
- b) Ministarstva vanjske trgovine i ekonomskih odnosa Bosne i Hercegovine -1 predstavnik;
- c) Vanjskotrgovinske komore Bosne i Hercegovine - 1 predstavnik;
- d) Privredne komore Federacije Bosne i Hercegovine - 1 predstavnik;
- e) Zanatske komore Federacije Bosne i Hercegovine - 1 predstavnik;
- f) Privredne komore Republike Srpske - 1 predstavnik;
- g) Privredne komore Brčko Distrikta Bosne i Hercegovine -1 predstavnik;
- h) Univerziteta u Sarajevu -1 predstavnik;
- i) Univerziteta u Banjoj Luci -1 predstavnik;
- j) Univerziteta u Istočnom Sarajevu -1 predstavnik;
- k) Univerziteta "Džemal Bijedić" u Mostaru -1 predstavnik;
- l) Sveučilišta u Mostaru -1 predstavnik;
- m) Univerziteta u Tuzli -1 predstavnik;
- n) Asocijacije inovatora Bosne i Hercegovine - 1 predstavnik;
- o) Saveza inovatora Republike Srpske -1 predstavnik;
- p) Bosnalijeka d.d. Sarajevo -1 predstavnik;
- r) Pharmamedia d.o.o. Travnik -1 predstavnik;
- s) Hemofarme d.o.o. Banja Luka - 1 predstavnik.

(3) Stručne i administrativno-tehničke poslove za potrebe Vijeća obavlja sekretar Vijeća koji je zaposlen u Institutu.

Član 4.
(Mandat)

- (1) Mandat članova Vijeća traje pet godina.
- (2) članovi Vijeća mogu biti ponovno imenovani u sastav Vijeća najviše dva puta.

Član 5.
(Konstituirajuća sjednica i poslovnik)

- (1) Konstituirajuću sjednicu Vijeća saziva direktor Instituta.
- (2) Konstituirajuća sjednica se održava najkasnije 60 dana od dana stupanja na snagu ove Odluke.
- (3) Vijeće na konstituirajućoj sjednici donosi poslovnik o radu i bira predsjedavajućeg i zamjenika predsjedavajućeg.
- (4) Poslovnikom o radu uređuju se organizacija, način odlučivanja i druga pitanja značajna za rad Vijeća.

Član 6.
(Troškovi)

Troškovi rada članova Vijeća idu na teret institucije ili drugog pravnog lica kojeg članovi predstavljaju.

Član 7.
(Stručna i administrativna podrška)

Stručnu i administrativnu podršku Vijeću pruža Institut.

Član 8.
(Stupanje na snagu)

Ova Odluka stupa na snagu osmog dana od dana objavljivanja u "Službenom glasniku BiH".

VM broj 174/10
10. juna 2010. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.